

Կոռուպցիայի համաշխարհային բարոմետր 2010

Հաճախակի տրվող հարցեր

1. Ի՞նչ է իրենից ներկայացնում Թրանսփարենսի Ինթերնեշնլի Կոռուպցիայի համաշխարհային բարոմետրը:

Թրանսփարենսի Ինթերնեշնլի (ԹԻ) *Կոռուպցիայի համաշխարհային բարոմետրը* (այսուհետ՝ Բարոմետր) կոռուպցիայի մասին կարծիքների և դրանում ներքաշվածության վերաբերյալ համաշխարհային մասշտաբի հանրային կարծիքի միակ հարցումն է: Որպես ընդհանուր բնակչության հարցում, այն ծառայում է որպես ցուցանիշ այն բանի, թե ինչպես է դիտարկվում կոռուպցիան տվյալ երկրում և ինչպես են աշխարհում գնահատվում այն ջանքերը, որոնք ուղղված են այն սանձելուն: Այն նաև չափում է հարցվածների ներքաշվածության աստիճանը կոռուպցիոն գործարքներում:

2010 թ.-ի Բարոմետրը, որը հանդիսանում է թվով յոթերորդ հրապարակումը, արտացոլում է 86 երկրներում հարցված 91,781 անձանց կարծիքները, և ներկա դրությամբ այն ունի մինչ այժմ եղածներից առավել լայն ընդգրկում:

2. Ի՞նչպիսի հարցեր են ներառված հարցաթերթիկում:

Բարոմետրում ներառված են ընդհանուր հարցեր մարդկանց կողմից կոռուպցիայի ընկալման և կաշառատվության մեջ ներքաշվածության վերաբերյալ: Այն պարզում է, թե որ հաստատություններին են մարդիկ առավել շատ վստահում որպես կոռուպցիայի դեմ պայքարող հաստատությունների, և որքանով են նրանք հավատում կոռուպցիայի դեմ պայքարում իրենց երկրների իշխանությունների գործադրած ջանքերի արդյունավետությանը: Առաջին անգամ լինելով, 2010 թ.-ի Բարոմետրում ներառված են հարցեր՝ պարզելու համար, թե որքանով են հանրության առանձին անդամներն անձամբ կամենում ներգրավվել կոռուպցիայի դեմ պայքարում:

Բարոմետրում ներառված հարցերը տարեցտարի փոփոխվում են, մեկընդմերթ կրկնվելով տարբեր տարիներին, և դրանով իսկ ապահովվելով համեմատությունների անցկացումը:

3. Ո՞վ և ե՞րբ է անցկացրել ներկա հարցումը:

Բացառությամբ երկու երկրների՝ 2010 թ.-ի Կոռուպցիայի համաշխարհային թարմետրի հարցման անցկացումը ԹԻ-ն պատվիրել է Գելափ Ինթերնեշնլին: Այդ երկու երկրներն են Բանգլադեշը և Սոնդոլիան, որոնցից առաջինում հարցումն անցկացրել է ԹԻ-ի տեղական մասնաճյուղը, իսկ երկրորդում այն անցկացրել է Կոռուպցիայի դեմ պայքարի Սոնդոլիայի անկախ գործակալությունը:

Դաշտային աշխատանքները իրականացվել են 2010 թ.-ի հունիսի 1-ից սեպտեմբերի 30-ն ընկած ժամանակահատվածում: Կիրառվել են դեմ առ դեմ, հեռախոսային և օն-լայն (Ինտերնետով) հարցազրույցների մեթոդները:

4. Ո՞ր երկրները/տարածքներն են ներառված 2010 թ. Բարոմետրում

Այս տարվա Բարոմետրում ներառված է 86 երկիր. 2009 թ.-ին 69 երկիր էր: Չկա որևէ սահմանափակում հարցման մեջ երկրներ/տարածքներ ընդգրկելու հարցում: Եթե միջոցները թույլ տան, ապա ԹԻ-ն հուսով է, որ ապագայում էլ ավելի մեծ թվով երկրներ կընդգրկվեն հարցման մեջ:

5. Ո՞ր երկրները/տարածքներն են հայտնվել 2010 թ.-ի Բարոմետրում, որոնք նախորդ 2009 թ.-ին այնտեղ չկային:

| Նոր երկրներ 2010 թ.-ի Բարոմետրում | Վերջին անգամ 2007 թ.-ին ընդգրկված երկրներ | Վերջին անգամ 2006 թ.-ին ընդգրկված երկրներ | Վերջին անգամ 2004 թ.-ին ընդգրկված երկրներ | Նախորդ տարվա ցուցակից երկրները , որոնք այս տարի չեն ընդգրկվե լ |
|---|--|---|---|--|
| Ավստրալիա | Ֆրանսիա | Ֆիջի | Աֆղանստան | Բրունեյ |
| Բանգլադեշ | Գերմանիա | Մեքսիկա | Բրազիլիա | Քուվեյթ |
| Չինաստան | Իռլանդիա | Թայվան | Լատվիա | Պանամա |

| | | | | |
|-----------------------|----------------------------------|--|--|--|
| Նոր Ձեւանդիա | Հարավաֆրիկյան Հանրապետություն | | | |
| Պապուա Նոր Գվինեա | Վիետնամ | | | |
| Սլովենիա | | | | |
| Սողոմոնյան կղզիներ | | | | |
| Վանուատու | | | | |

6. Ինչպե՞ս կարող են օգտագործվել Բարոմետրի արդյունքները:

Բարոմետրը հանդիսանում է կոռուպցիայի վերաբերյալ հասարակության կարծիքների և նրանում ներքաշվածության վերաբերյալ էմպիրիկ տվյալների հարուստ աղբյուր:

Հանրային քաղաքականություն մշակողները կարող են օգտագործել Բարոմետրի տվյալները՝ ավելի լավ հասկանալու, թե ինչ չափով են տարբեր հաստատությունները և ծառայություններն ընկալվում որպես կոռումպացված, ընդլայնելու իրենց գիտելիքները մանր կաշառակերության ձևերի և հաճախականության վերաբերյալ և պարզելու դրանց ժողովրդագրական բաշխվածությունը: Առանձին երկրի մակարդակով 2010 թ. Բարոմետրը ներառում է այնպիսի տեղեկատվություն, որն օգտակար կլինի հանրային քաղաքականության բարեփոխումներ անցկացնելու, ինչպես նաև այն ոլորտներում հետազոտություններ իրականացնելու համար, որոնք հանրության կողմից համարվում են կոռումպացված:

Քաղաքացիական հասարակության կառույցները և լրագրողները կարող են օգտագործել Բարոմետրի տվյալները՝ պարզելու, թե որ ոլորտներում է առկա կոռուպցիա, բարձրացնելու իրազեկությունը մեկ կամ մի քանի երկրներում առկա կաշառակերության տարածվածության վերաբերյալ և աջակցելու թիրախավորված այն փոփոխություններին, որոնք իրականացվում է որևէ կոնկրետ երկրում կամ ոլորտում:

Գիտահետազոտական ուսումնասիրություններ անցկացնողները կարող են օգտագործել Բարոմետրի տվյալները՝ ուսումնասիրելու կոռուպցիային և

կաշառակերությանը նպաստող գործոնները և դրանց հետևանքները մեծ թվով երկրներում: Բարոմետրն առաջարկում է առանձին վերցված յուրաքանչյուր պետության վերաբերյալ իր ուղղվածությամբ և ընդգրկունությամբ աչքի ընկնող այնպիսի տվյալներ, որոնք այն կդարձնեն տվյալների եզակի աղբյուր ակադեմիական հանրության համար:

7. Համեմատելի ե՞ն, արդյոք, Բարոմետրի տարբեր տարիների տվյալները:

Այո: Եթե տարբեր տարիներին Բարոմետրում ներառված հարցերը կրկնվում են, ապա այն հնարավորություն է տալիս կատարել ժամանակային ուղղակի համեմատություններ: Ներկա Բարոմետրը թվով յոթերորդ հարցումն է, և հետևաբար հնարավորություն է տալիս գնահատել հանրության կողմից առավել կոռումպացված ընկալվող հաստատությունների, կոռուպցիայի դեմ պայքարում իշխանությունների ջանքերի արդյունավետության և որոշակի հանրային ծառայություններ ստանալու համար կաշառք վճարող քաղաքացիների չափաքանակների առումով միտումները:

8. Ի՞նչ տարբերություններ կան Բարոմետրի և ԹԻ-ի *Կոռուպցիայի ընկալման համաթվի* և ԹԻ-ի *Կաշառք վճարողների համաթվի* միջև:

Բարոմետրը հանդիսանում է հանրային կարծիքի ուսումնասիրություն, որը վեր է հանում ընդհանուր առմամբ հասարակության տեսակետները կոռուպցիայի և իրենց կյանքի վրա դրա ազդեցության, ներառյալ նաև կաշառատվության մեջ նրանց ներքաշվածության, մասին: Միևնույն ժամանակ և՛ *Կոռուպցիայի ընկալման համաթիվը (ԿԸՀ)*, և՛ *Կաշառք վճարողների համաթիվը (ԿՎՀ)* վեր են հանում փորձագետների կարծիքները:

ԿԸՀ-ն արտացոլում է հանրային ուլորտում և քաղաքականության մեջ առկա՝ կոռուպցիայի վերաբերյալ տեղեկացված դիտորդների կարծիքը: Չնայած այս տարբերություններին, բոլոր տարիներին էլ, երբ միաժամանակ անցկացվել են այս երկու հարցումները, ի հայտ է եկել զգալի փոխկապակցվածություն նրանց տվյալների միջև: